



## ГЭМТЭЛ, СОГОГ СУДЛАЛЫН ҮНДЭСНИЙ ТӨВИЙН ЕРӨНХИЙ ЗАХИРЛЫН ТУШААЛ

2023 оны 08 сарын 04 өдөр

Дугаар А/108

Улаанбаатар хот

Город нутагт сургалт зохион байгуулах тухай

“Нэгдсэн Үндэстний Байгууллагын тогтвортой хөгжлийн зорилт 2016-2030”-ын Эрүүл мэндийг дэмжих зорилтын 3.5 дахь заалт, “Алсын хараа-2050” Монгол улсын урт хугацааны хөгжлийн бодлогын 2.2.14. зорилт, Эрүүл Монгол хүн үндэсний хөдөлгөөн, Монгол улсын Засгийн газрын 2020-2024 оны үйл ажиллагааны хөтөлбөр, Байгууллагын хөдөлмөрийн дотоод журмын 3.2.1 дэх заалтыг тус тус үндэслэн ТУШААХ нь:

1. “Осол гэмтлийн үеийн тусламж үйлчилгээний чанар хүртээмжийг сайжруулах, хүчирхийллээс урьдчилан сэргийлэх цогц сургалт”-ын хүрээнд хийх ажлын удирдамжийг нэгдүгээр, ажлын хэсгийн бүрэлдэхүүнийг хоёрдугаар хавсралтаар тус тус баталсугай.
2. Тус үйл ажиллагааг үр дүнтэй зохион байгуулахыг Эрдэм шинжилгээ сургалтын алба (С.Баатаржав), Нийгмийн эрүүл мэндийн алба (Д.Одгэрэл)-д тус тус үүрэг болгосугай.
3. Томилолтоор ажиллахад шаардагдах төсвийг шийдвэрлэх, зарцуулалтад хяналт тавьж ажиллахыг Санхүү бүртгэлийн албаны дарга (Ц.Энхбаяр)-д зөвшөөрсүгэй.
4. Үйл ажиллагааны хэрэгжилтэд хяналт тавьж ажиллахыг Эрдэм шинжилгээ, инновац хариуцсан дэд захирал (Б.Батзориг)-д даалгасугай.

ЕРӨНХИЙ ЗАХИРАЛ

Э.ГАЛБАДРАХ



Гэмтэл согог судлалын үндэсний төвийн  
Ерөнхий захирлын 2023 оны 08 сарын 14-ны  
дугаар тушаалын нэгдүгээр хавсралт



**БАЯНХОНГОР АЙМАГТ ОСОЛ ГЭМТЛИЙН ҮЕИЙН ТУСЛАМЖ ҮЙЛЧИЛГЭЭНИЙ ЧАНАР  
ХҮРТЭЭМЖИЙГ САЙЖРУУЛАХ, ХҮЧИРХИЙЛЛЭЭС УРЬДЧИЛАН СЭРГИЙЛЭХ ЦОГЦ  
СУРГАЛТЫН УДИРДАМЖ**

**Үндэслэл**

Манай улсын хүн амын дунд гадны шалтгааны улмаас нас барах, өвчлөх тохиолдол сүүлийн жилүүдэд эрс нэмэгдэж, нас барагтын тэргүүлэх шалтгааны 3 дугаарт орж байна. 2022 онд зам тээврийн ослын улмаас 21,128 хүн эмнэлгийн тусламж авсан нь өмнөх оноос 13.8 хувиар өссөн үзүүлэлттэй байгаа бөгөөд 464 хүн нас барсан байна. Зам тээврийн ослын шалтгаант нас барагтын 67% нь орон нутагт бүртгэгдсэн байна.

Дэлхийн эрүүл мэндийн байгууллагын мэдээгээр 2016 оноос хойш санамсаргүй осол 10000 хүн тутамд 143,5-аар өссөн. Санамсаргүй осол гэмтлийн шалтгааны эхний тавд зам тээврийн осол, живэлт, уналт, түлэгдэлт, хордлого орж байна.

Баянхонгор аймагт (2017-2021) оны байдлаар осол гэмтлийн нийт 6,909 тохиолдол бүртгэгдсэн ба үүнээс зам тээврийн осолд 1630 хүн өртсөн нь тэргүүлэх 5 шалтгааны нэг болж байна.

Хөдөө орон нутагт ослын газарт яаралтай тусламжийн үйлчилгээг цаг тухайд нь үзүүлээгүй, орон нутгийн эмнэлээт бэлтгэгдсэн хүний нөөц дутагдалтай, эм, эмнэлгийн хэрэгсэл, тоног төхөөрөмж хангалтгүй байгаатай холбоотой байна. Үүнээс гадна осол, гэмтлээс урьдчилан сэргийлэх, аюулгүй байдлыг бүрдүүлэхэд салбар дундын хамтын ажиллагаа, мэдээллийн солилцоо хангалтгүй, иргэдийн эрүүл мэндийн боловсрол болон осол, гэмтлийн үед үзүүлэх анхан шатны яаралтай тусламжийн мэдлэг сайжруулах шаардлага гарч ирж байна.

Монгол улсын засгийн газрын 2018 оны 5 сарын 30 өдрийн 163 дугаар тогтоолоор батлагдсан “Осол гэмтлээс сэргийлэх үндэсний хөтөлбөрийн “Зорилт 3 – ийн хүрээнд зам тээврийн осол гэмтлээс урьдчилан сэргийлэх, осол гэмтлийн үед иргэдээс үзүүлэх яаралтай тусламжийг зөв дараалалтай, чанартай үзүүлэх чадварыг сайжруулах зорилгоор иргэдэд сургалт, сурталчилгаа хийх тэдэнд зориулсан хялбаршуулсан, цаг хугацаа хэмнэсэн, заавар зөвлөмж хүргэх, эмч мэргэжилтний болон эмнэлгийн чадавхыг бэхжүүлэх, салбар дундын хамтын үйл ажиллагааг өрнүүлж хүчирхийллээс урьдчилан сэргийлэх, осол гэмтлийн үеийн тандалтын тогтолцоог сайжруулах, осол гэмтлээс сэргийлэх тухай үйл ажиллагааг олон нийтийг хамруулсан байдлаар зохион байгуулах зэрэг нөлөөллийн олон талт арга хэмжээг аймаг, сумдын эмч, мэргэжилтнүүд болон зорилтот бүлгийн иргэдэд зохион байгуулах шаардлагатай байна.

**Зорилго:**

Баянхонгор аймгийн эмч, мэргэжилтнүүд, ард иргэдийн осол гэмтэл, хүчирхийллийн үед үзүүлэх хариу арга хэмжээ, тусlamж үйлчилгээг чадавхжуулах, анхны тусlamжийн материаллаг баазыг бэхжүүлэх

**Зорилт:**

1. Осол гэмтэл, хүчирхийллээс сэргийлэх, анхны тусlamжийг газар дээр үзүүлэх мэдлэг олгох сургалтыг иргэдэд болон зорилтот бүлгийн мэргэжилтнүүдэд зохион байгуулах замаар иргэдийн эрүүл мэндийн боловсролыг дээшлүүлэх
2. Осол гэмтэл, хүчирхийллээс урьдчилан сэргийлэх сургалт, ухуулга нөлөөллийн үйл ажиллагааг эрүүл мэндийн болон бусад салбарын хүмүүсийг хамруулан зохион байгуулах
3. Осол гэмтэл, хүчирхийллийн үеийн яаралтай тусlamж үйлчилгээ үзүүлэх чадавхыг бэхжүүлэх

**Хэрэгжүүлэх хугацаа:** 2022 оны 08-р сарын 23-25

**Зохион байгуулагч:** Гэмтэл Согог Судлалын Үндэсний Төв, Баянхонгор аймгийн Эрүүл мэндийн газар, Нэгдсэн эмнэлэг

**Хамтран ажиллах байгууллагууд:**

1. Баянхонгор аймгийн Засаг даргын тамгын газар
2. Баянхонгор аймгийн Цагдаагийн газрын Замын цагдаагийн тасаг
3. Баянхонгор аймгийн Эрүүл мэндийн газар
4. Баянхонгор аймгийн Нэгдсэн эмнэлэг
5. Баянхонгор аймгийн Авто тээврийн газар
6. Баянхонгор аймгийн Онцгой байдлын газар
7. Баянхонгор аймгийн Мэргэжлийн хяналтын хэлтэс
8. Баянхонгор аймгийн Боловсролын газар
9. Баянхонгор аймгийн Гэр бүл, хүүхэд залуучуудын хөгжлийн газар
10. Баянхонгор аймгийн Газрын харилцаа, барилга хот байгуулалтын газар

**Үйл ажиллагааны чиглэл:**

- Эмч, эмнэлгийн мэргэжилтнүүдэд осол гэмтлийн үеийн яаралтай тусlamжийн сургалт зохион байгуулах
- Иргэдэд анхны тусlamжийн сургалт зохион байгуулах
- Зорилтот бүлгийн мэргэжилтнүүдэд сургалт зохион байгуулах
- Зам тээврийн осол гэмтлээс урьдчилан сэргийлэх сургалт, ухуулга нөлөөллийн үйл ажиллагааг эрүүл мэндийн болон бусад холбогдох байгууллагын мэргэжилтнүүдийг хамруулан зохион байгуулах
- Осол гэмтлийн үеийн анхны яаралтай тусlamж үйлчилгээ, сургалтад хэрэглэгдэх хэрэглэгдэхүүний хангамжийг сайжруулах
- Осол гэмтэл, хүчирхийллээс урьдчилан сэргийлэх чиглэлээр мэдээлэл, сургалт сурталчилгааны материал боловсруулж, хянах, хэвлүүлж түгээх

- Гэмтэл, согийн тусlamж үйлчилгээ шаардлагатай өвчтөнүүдэд амбулаторийн үзлэг хийж зөвлөгөө өгөх
- Улаанбаатар хот руу чиглэсэн гэмтэл согийн тусlamж үйлчилгээ авах иргэдийн урсгалыг саармагжуулах, хүлээгдэл чирэгдлийг бууруулан орон нутагт нь үзлэг, оношилгоо, мэс засал эмчилгээ хийж тусlamж үйлчилгээ үзүүлэх

**Хүлээгдэж буй үр дүн:**

- Эмч, эмнэлгийн мэргэжилтнүүдийн осол гэмтэл, хүчирхийллийн үеийн яаралтай тусlamж болон мэс заслын тусlamж үйлчилгээ үзүүлэх мэдлэг, ур чадвар сайжирна.
- Осол гэмтэл, хүчирхийллээс урьдчилан сэргийлэх чиглэлээр салбар хоорондын хамтын ажиллагаа сайжирна.
- Ард иргэдийн осол гэмтэл, хүчирхийллийн үед үзүүлэх анхны тусlamж буюу хариу арга хэмжээний талаарх мэдлэг хандлага сайжирсан байна.
- Орон нутгийн яаралтай тусlamж чадавхжсан байна.
- Зам тээврийн аюулгүй байдлыг хангах, осол гэмтэлд хариу арга хэмжээ авах үйл ажиллагаа сайжирсан байна.

Гэмтэл согог судлалын үндэсний төвийн  
Бренхий захирлын 2023 оны 08 сарын 24-ны  
дугаар тушаалын хоёрдугаар хавсралт

### Ажлын хэсгийн бүрэлдэхүүн

#### Багийн ахлагч:

Б.Батзориг (Эрдэм шинжилгээ инновац хариуцсан дэд захирал)

#### Нарийн бичиг:

Д.Одгэрэл (Нийгмийн эрүүл мэндийн албаны дарга)

#### Гишүүд:

Б.Батсайхан (Хүзүү, нурууны гэмтэл согогийн тасгийн их эмч)

Н.Эрхэмбаяр (Хавсарсан гэмтлийн тасгийн их эмч)

М.Мөнхдэлгэр (Гар сарвуу нөхөн сэргээх бичил мэс заслын тасгийн их эмч)

Э.Болормаа (Эрдэм шинжилгээ, сургалтын албаны арга зүйч)

А.Жаргалмаа (Статистик, тандалт судалгааны албаны Эпидемиологич их эмч)

Г.Амармэнд (Салбар эмнэлгийн их эмч)

З.Мөнхдалай (Аж ахуй, хангамж үйлчилгээний албаны жолооч)

Б.Батбаатар (Аж ахуй, хангамж үйлчилгээний албаны жолооч)